

Հ Ա Շ Վ Ե Տ Վ Ո Ւ Թ Յ Ո Ւ Ն

2022 թվականի առաջին կիսամյակում ԸԿԵԻՊ բաժնի կատարած աշխատանքների վերաբերյալ

Հաշվետու ժամանակահատվածում Ընտանիքի, կանանց և երեխաների իրավունքների պաշտպանության բաժինն իր կանոնադրական գործառույթների շրջանակներում իրականացրել է հետևյալ աշխատանքները՝

- Կատարել է այցելություններ արցախյան պատերազմում զոհված, անհայտ կորած, վիրավորում ստացած և պայմանագրային զինձառայողների, Արցախի պատերազմից տուժած, տեղահանված, բազմազավակ և բազմանդամ, սոցիալապես անապահով, հաշմանդամություն և այլ խնդիրներ ունեցող ընտանիքներ, ուսումնասիրել է նրանց կարիքները, խնդիրների լուծման ուղղությամբ ցուցաբերել աջակցություն:
- Մարզպետարանի համապատասխան ստորաբաժանումների հետ կատարել է համատեղ տնային այցելությունների վերլուծություն և քննարկում:

- Բաժինը մասնակցել է

- ✓ Արենի համայնքի խնամակալության և հոգաբարձության հանձնաժողովի (ԽՀՀ) 2 նիստի՝ ամուսնալուծվող ընտանիքի անչափահաս երեխայի հետագա խնամքին և դատարանին տրամադրվող եզրակացությանը վերաբերող հարցի քննարկմանը,
- ✓ Եղեգնաձոր համայնքի խնամակալության և հոգաբարձության հանձնաժողովի 3 նիստի՝ Մալիշկա բնակավայրի մանկուց հաշմանդամ, առանց ծնողական խնամքի մնացած երեխային հատուկ (մասնագիտացված) հաստատություն տեղավորելու հարցով, իրականացրել է համատեղ աշխատանք միջգերատեսչական սոցիալական համագործակցության կողմերի հետ (ԱՍՀՆ, մարզպետարան, ԽՀ մարմիններ, բուժհաստատություն, հասարակական կառույցներ)՝ վերը նշված խնդրի լուծման ուղղությամբ:
- ✓ Եղեգնաձորի համայնքապետարանում՝ Գլաձոր բնակավայրի անհայտ կորած զինձառայողի ընտանիքի սոցիալական խնդիրների քննարկմանը:
- ✓ Վայք համայնքի ԽՀՀ 2 նիստի՝ երեխայից առանձին ապրող ծնողի կողմից ծնողական իրավունքների իրականացման, ծնողի հետ շփումն ապահովելու հարցի քննարկմանը:
- ✓ Անչափահասների հետ տարվող քննչական գործողություններին,
- ✓ Ջերմուկ համայնքի Գնդեվազի միջնակարգ դպրոցում՝ աշակերտի կողմից կատարված գողության դեպքի վերաբերյալ մարզի դատախազի միջնորդագրի քննարկմանը: Հարցը քննարկվել է նաև Ջերմուկի համայնքապետարանի, միասնական սոցիալական ծառայության Ջերմուկի տարածքային կենտրոնի, Ջերմուկի <<Զարման>> երեխաների աջակցության կենտրոնի հետ: Անչափահասն ուղղորդվել է աջակցության կենտրոն, որտեղ մասնագիտական թիմն իրականացրել է սոցիալական վերականգնմանն ուղղված ծառայություններ:
- Բաժինն իրականացրել է համատեղ աշխատանք ՀՀ ոստիկանության Վայոց ձորի մարզային վարչության Եղեգնաձորի, Վայքի և Ջերմուկի բաժինների անչափահասների գործերով և ընտանեկան բռնության կանխարգելման խմբերում (ԱԳ և ԸԲԿԽ) պրոֆիլակտիկ

քարտային հաշվառման վերցված իրավախախտ և հանցագործություն կատարած անչափահասների, բռնության ենթարկված անձանց և նրանց ընտանիքների հետ: Տնային այցելությունների ժամանակ կատարել բացատրական, սոցիալ-հոգեբանական աշխատանք՝ կրկնակի իրավախախտումները և բռնության դեպքերը կանխարգելելու, ընտանեկան տարածայնությունների լուծման, ընտանիքում հաշտության վերականգնման նպատակով: 01/07/2022 թվականի դրությամբ ոստիկանության բաժինների ԱԳ և ԸԲԿ խմբերում հաշվառված է 8 անչափահաս: Հաշվառված անչափահասների կողմից կրկնակի իրավախախտումներ չեն գրանցվել: Ըստ ոստիկանության բաժինների տեղեկատվության՝ մարզում գրանցվել է բռնության 15 դեպք:

- Կատարվել է Եղեգնաձոր (1 երեխա՝ ուղղորդվել է հատուկ կարիք ունեցող երեխաների մասնագիտացված հաստատություն) և Վայք (3 երեխա՝ որից 2-ի նկատմամբ սահմանվել է հոգաբարձություն, 1-ին՝ խնամակալություն) համայնքների առանց ծնողական խնամքի մնացած չորս երեխայի կենսապայմանների ուսումնասիրություն, տարածքային հաշվառում, փաստաթղթերի ներկայացում ՀՀ ԱՍՀՆ՝ կենտրոնացված հաշվառման:

- Այցելություն է կատարվել Ջերմուկ համայնքի բնակիչներ, որդեգրելու ցանկություն հայտնած ամուսինների ընտանիք՝ անձի կենսապայմանների ուսումնասիրության նպատակով: Վերջիններս վերցվել են կենտրոնացված հաշվառման՝ ՀՀ աշխատանքի և սոցիալական հարցերի նախարարությունում:

- Բաժինը մասնակցել է Արենի և Եղեգիս համայնքներում իրականացված իրավական և մասնագիտական հսկողության աշխատանքներին:

- Կատարվել է շարունակական աշխատանք «Նորք» տեղեկատվական բազայի հետ՝ համակարգ է ներմուծվել տվյալներ 30 երեխայի վերաբերյալ, վկայագիր է ստացել կրթության առանձնահատուկ պայմանների կարիք ունեցող 12 երեխա, թարմացվել է Վայոց ձորի մարզից՝ հանրապետության խնամքի շուրջօրյա հաստատություններ ուղղորդված երեխաների վերաբերյալ տեղեկատվական բազան:

- Կատարվել է մարզում կանանց և տղամարդկանց իրավահավասարության հիմնահարցերի ուսումնասիրություն, դրանց լուծմանն ուղղված ծրագրերի մշակում: Այդ գործառույթի շրջանակում մարզպետարանում կազմակերպվել է գենդերային հարցերով զբաղվող հանձնաժողովի նիստ, թարմացվել է հանձնաժողովի կազմը, քննարկվել են օրակարգային հարցեր, միջոցներ են ձեռնարկվել բռնության ենթարկված կանանց իրավունքների պաշտպանության ուղղությամբ:

- Բաժինն աջակցել է ծննդյան վկայական չունեցող երեխայի ծնողին՝ երեխայի վկայական ձեռքբերելու գործում:

- Բաժինը սերտորեն համագործակցել է միջազգային բարեգործական հիմնադրամների, հասարակական կազմակերպությունների հետ, աջակցել մարզում իրականացրած հումանիտար ծրագրերին և նախաձեռնություններին:

Մասնավորապես կատարել է կազմակերպչական աշխատանք՝

- ✓ «Դիակոնիա» ԲՀ-ի հետ՝ մարզի սոցիալապես անապահով ընտանիքներին տրամադրվող սննդի աջակցության ծրագրի շրջանակում, մասնակցել Վայք համայնքում հիմնադրամի կողմից սննդի բախշման աշխատանքներին:

✓ Խնամակալության և հոգաբարձության մարմինների և «Իրավունքի ուժ» ՀԿ-ի հետ՝ Երևանում և Աղվերանում ԽՀՀ-ի անդամների մասնակցությունը երկօրյա դասընթացին ապահովելու գործում:

✓ Հայաստանի սոցիալական աշխատողների ասոցիացիայի հետ՝ Եղեգիսի «Արևի» հյուրանոցում սոցիալական ոլորտի մասնագետների մասնակցությունը դասընթացին ապահովելու ուղղությամբ:

Բաժինը մասնակցել է նաև

✓ Ջերմուկ քաղաքում «Սոսե» կանանց հիմնահարցեր» ՀԿ-ի նախաձեռնությամբ գեներային հիմնահարցերի շուրջ կազմակերպված կլոր սեղան քննարկմանը, մարզպետարանում՝ միգրանտների ներուժի օգտագործմանն ուղղված դրամաշնորհային ծրագրի մեկնարկին նվիրված հանդիպմանը, «Առաքելություն Հայաստան» ԲԿ-ի ներկայացուցիչների հետ հանդիպմանը՝ մարզի անձը հաստատող փաստաթուղթ չունեցող քաղաքացիների աջակցությանն ուղղված ծրագրի շրջանակում:

✓ Վայք քաղաքում՝ «ՕբսեՋեն» հիմնադրամի և ՄԱԿ-ի Բնակչության հիմնադրամի համատեղ կազմակերպած միջոցառում-քննարկմանը,

✓ Երևան քաղաքում՝ ՀՀ շրջակա միջավայրի նախարարության կողմից կազմակերպված «Ազգային հարմարվողականության ծրագրի հաղորդակցման ռազմավարության» դասընթաց-աշխատաժողովին,

✓ Հայաստանի Հանրապետությունում Ֆրանսիայի Հանրապետության Արտակարգ և լիազոր դեսպան Ն.Գ. տկն. Անն Լոյոյի հետ հանդիպմանը Վայոց ձորի մարզպետարանում,

✓ ՀՀ Վայոց ձորի և ՌԴ Արխանգելսկի մարզերի միջև առևտրա-տնտեսական, կրթական, սոցիալական և հումանիտար համագործակցության շրջանակներում Վայոց ձոր ժամանած ՌԴ Արխանգելսկի մարզի պատվիրակության հետ հանդիպումներին,

✓ Հայ օգնության ֆոնդի «Երեխաների աջակցության կենտրոն» հիմնադրամի կողմից Խնամատար ընտանիքների գնահատանքի միջոցառմանը,

✓ «Մանկական և կրթության հոգեբանների հայկական ասոցիացիայի» նախաձեռնությամբ կազմակերպված «Աջակցություն ընտանիքներին ճգնաժամային իրավիճակներում», «Երեխան և ճգնաժամը», «Ճգնաժամային միջամտություն», «Բռնությունը որպես ճգնաժամային իրավիճակ», «Աջակցություն կրթական միջավայրում՝ ճգնաժամի պարագայում», «Ճգնաժամային խորհրդատվություն», ինչպես նաև «Սեռական բռնության ճգնաժամային կենտրոն >> ՀԿ –ի նախաձեռնությամբ բռնության թեմաներով կազմակերպված առցանց քննարկումներին, «Վերականգնումը COVID-19-ից հետո» թեմայով վեբինարին:

✓ Ձոհված զինծառայողների մայրերին և կանանց նվիրված տոնական ընդունելությանը ՀՀ Վարչապետի կեցավայրում,

✓ Մարզպետարանում Կարմիր խաչի միջազգային կոմիտեի (ԿԽՄԿ) Գորիսի ենթապատվիրակության ղեկավարի հետ հանդիպմանը,

✓ Մարզպետարանում «Հաշմանդամություն ունեցող անձանց հարցերով զբաղվող մարզային հանձնաժողովի» ամենամսյա նիստերին:

✓ Իրականացրել է համատեղ աշխատանք Մանկական զարգացման հիմնադրամի Վայոց ձորի տարածքային կենտրոնի հետ՝ մարզում իրականացրած կրթական, բարեգործական ծրագրերի շրջանակներում,

- ✓ Կատարել է Արցախից տեղահանված 18-24 տարեկան, մասնագիտություն ձեռք բերելու ցանկություն հայտնած 3 քաղաքացու ուղղորդում բարեգործական կազմակերպություն՝ ուսուցման կազմակերպման և աշխատանքով ապահովելու նպատակով:
- ✓ Բաժինը համագործակցել է «Դու մենակ չես» կանանց աջակցման կենտրոն ՀԿ-ի հետ՝ տարածայնություններ ունեցող և ընտանեկան բռնության ենթարկված կանանց և նրանց ընտանիքներին մասնագիտական աջակցություն ցուցաբերելու ուղղությամբ:
- ✓ Բաժինը կատարել է ոլորտին վերաբերող իրավական ակտերի նախագծերի ուսումնասիրություն և քննարկում:

Բաժինը ներկայացրել է՝

- ✓ 2022 թվականի առաջին կիսամյակի հաշվետվություն՝ ՀՀ Մարդու իրավունքների պաշտպանի գրասենյակին,
- ✓ Կիսամյակային հաշվետվություն՝ ՀՀ ՏԿԵ նախարարություն՝ Մարդու իրավունքների պաշտպանի 2021 թվականի տարեկան զեկույցի համար:
- ✓ Կիսամյակային հաշվետվություն ՀՀ ՏԿԵ նախարարություն՝ երեխայի իրավունքների պաշտպանության ուղղությամբ մարզում 2022 թվականի առաջին կիսամյակում կատարված միջոցառումների վերաբերյալ
- ✓ Տարեկան հաշվետվություն՝ ԸԿԵԻՊ բաժնի 2021 թվականի ընթացքում կատարած աշխատանքների վերաբերյալ՝ Վայոց ձորի մարզպետարանի պաշտոնական կայքի համար,
- ✓ Տեղեկատվություն՝ ՀՀ Աշխատանքի և սոցիալական հարցերի և տարածքային կառավարման և ենթակառուցվածքների նախարարություններ՝ ՀՀ-ում գենդերային քաղաքականության իրականացման 2019-2023թթ. ռազմավարական ծրագրի շրջանակում 2021 թվականի ընթացքում մարզում կատարված աշխատանքների մասին:
- Իրականացվել է կյանքի դժվար իրավիճակում հայտնված քաղաքացիների ընդունելություն և խնդրահարույց հարցերի քննարկում:
- Կատարվել է քաղաքացիներից ստացված դիմումների ուսումնասիրություն և ուղղորդում:

ԸԿԵԻՊ բաժնի պետ՝ Ա.Խաչատրյան

20/07/2022թ.